

լավագույն հիմքն են: Միայն 2013 թվականին տեղի է ունեցել մեկ վարչապետական եւ 15 նախարարական այցելություն, ինչը, Սերժ Սարգսյանի գնահատմամբ, խոսում է քաղաքական երկխոսության բարձր մակարդակի մասին: Կայանալիք հայ-վրացական միջկառավարական հանձնաժողովի նիստն էլ կնախանջի հայ-վրացական հարաբերությունների հետագա զարգացման ուղենիշները: Ելույթի ժամանակ Սերժ Սարգսյանը կարեւորեց նաեւ երկու երկրների միջեւ անվտանգության ոլորտում համագործակցությունը՝ հավելելով, որ վրաց գործընկերոջ հետ ձեռք է բերել պայմանավորվածություն՝ միջազգային հարթակներում զգայուն հարցերի վերաբերյալ ցուցաբերելու երկկողմ հավասարակշռված դիրքորոշում: «Մենք վստահ ենք, որ ցանկացած հակամարտություն հնարավոր է կարգավորել միայն խաղաղ ճանապարհով՝ միջազգային նորմերին համապատասխան, բանակցությունների միջոցով», - ասաց նախագահ Սերժ Սարգսյանը՝ հավելելով, որ այցը որակական նոր լիցք կհաղորդի հայ-վրացական եղբայրական հարաբերությունների ամրապնդմանը եւ երկկողմ ողջ ներուժի օգտագործմանը:

Ավարտին, Սերժ Սարգսյանը խնդրեց իր շնորհակալությունը փոխանցել Վրաստանի նախկին վարչապետ Բիծինա Իվանիշվիլուն, որ իր հիմնադրամից գումար է հատկացրել Թբիլիսիի հայկական եկեղեցիներից մեկի վերականգնման համար:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՐԳՍՅԱՆԻ ԱՆՈՒՆԻԳ՝ Ի ԱՅԱՏՈՒՆԱԿԱՆ ԱՅԵՐԻ ՎԱՐՇԱԿԱՆ ՍԵՐԺ ՍԱՐԳՍՅԱՆԻ ԱՆՈՒՆԻԳԻ ՄԱՐԳՎԵԼԱԶՎԻԼԻՆ

Հայաստան պաշտոնական այցի շրջանակներում, Վրաստանի նախագահ Գիորգի Մարգվելաշվիլին աշխատանքային ճաշի ձեւաչափով հանդիպում է ունեցել Հայաստանի վարչապետ Տիգրան Սարգսյանի հետ:

Հանդիպմանը գրուցակիցները կարեւորեցին երկու հարեւան եւ բարեկամ երկրների միջեւ բոլոր ոլորտներում կապերի զարգացումն ու սերտացումը:

Նշվեց, որ երկու երկրների կառավարությունները պետք է շարունակեն ջանքեր գործադրել՝ երկկողմ առեւտրաշրջանառության մակարդակն առաջիկայում է՛լ ավելի բարձրացնելու եւ համատեղ տարբեր ծրագրեր իրականացնելու համար:

ՓԵՏՐՈՎԱՐԻ 27-Ի ԵՐԵԿՈՅԱՆ ՀԱՅԱՍՏԱՆԻ ՆԱԽԱԳԱՀ ՍԵՐՇ ՍԱՐԳՍՅԱՆԻ ԱՆՈՒՆԻԳ՝ Ի ԱՅԱՏՈՒՆԱԿԱՆ ԱՅԵՐԻ ՎԱՐՇԱԿԱՆ ՍԵՐԺ ՍԱՐԳՍՅԱՆԻ ԱՆՈՒՆԻԳԻ ՄԱՐԳՎԵԼԱԶՎԻԼԻՆ

Փետրվարի 27-ի երեկոյան Հայաստանի նախագահ Սերժ Սարգսյանի անունից՝ ի պատիվ պաշտոնական այցով Հայաստան ժամանած Վրաստանի նախագահ Գիորգի Մարգվելաշվիլի՝ տրվեց պաշտոնական ընթրիք:

Ընթրիքին Սերժ Սարգսյանը եւ Գիորգի Մարգվելաշվիլին փոխադարձ բաժակաճառերում անդրադարձան հայ եւ վրաց ժողովուրդների դարավոր բարեկամությանն ու բազմում ընդհանրություններով լի պատմական անցյալին, երկու դրացի երկրների հարաբերությունների ներկայիս բարձր մակարդակին եւ այդ հարաբերությունների շարունակական խորացման ու փոխշահավետ համագործակցության զարգացման հնարավորություններին: Սերժ Սարգսյանը եւ Գիորգի Մարգվելաշվիլին երկուստեք ընդգծեցին, որ պատմության ընթացքում բոլոր իրադարձությունների ժամանակ հայ եւ վրաց ժողովուրդները եղել են կողք-կողքի, շատ դեպքերում՝ նաեւ միասին, իսկ անկախության ձեռքբերումից հետո, Հայաստանը եւ Վրաստանը զարգացնում են միջպետական հարաբերությունները երկու ժողովուրդների բարեկամության ամուր հիմքի վրա:

Փետրվարի 28-ին Էջմիածնից վերադառնալուց հետո, Վրաստանի նախագահ Գիորգի Մարգվելաշվիլին աշխատանքային ճաշին հանդիպում ունեցավ Հայաստանի նախագահ Սերժ Սարգսյանի հետ, որից հետո Վրաստանի նախագահին ու նրան ուղեկցող անձինք վերադարձան Թբիլիսի: